



■郭富城在中環石板街帶領舞團勁舞。

■陳慧琳為食客送上茶餐廳美食。

分享「香港最愛」

郭富城 鄭秀文 陳慧琳

中環勁舞 山頂跑步 茶餐廳嘆美食宣傳香港

旅發局啟動「Hello Hong Kong」全球宣傳活動，特別邀請3位香港土生土長、在全球擁有龐大粉絲群的著名歌影巨星，包括郭富城（Aaron）、鄭秀文（Sammi）和陳慧琳（Kelly）拍攝宣傳短片，一起向旅客「Say Hello」，推廣香港維港美景、文化藝術、景點、綠色旅遊及地道美食等多元化精彩體驗，及專為旅客而設的豐富餐飲消費禮遇，有關短片昨日起在香港首播，並會陸續在全球播放以吸引旅客。

片中 Aaron 以舞會友，在中環石板街及西九文化區帶領舞團勁舞，動感十足。Sammi 就換上粉紅運動裝在毗連維港美景的山頂跑步徑跑步，開心活力爆燈。Kelly 則變身茶餐廳女神與來自各地的食客打成一片，為食客送上西多士、奶茶等俘虜不少旅客的地道美食，令人食指大動。

鏡頭背後他們也齊齊分享自己的「香港最愛」，Aaron 說：「我最想和家人一同到最新的西九文化區參觀新開幕的M+和故宮；除了傳統景點和主題公園以外，我也喜歡行沙灘吹海風，正因為香港體驗多元，所以大家來到香港，自然會發掘到自己喜歡的地方！」Sammi 推介訪港旅客試搭香港的交通工具，她說：「例如全新的山頂纜車、電車和渡海小輪，都好有情懷和特色，景點方面我最推介的則是到山頂欣賞美景，感受城市美麗。」而自言一星期去茶餐廳幾轉的 Kelly，說到香港美食便如數家珍一樣，她說：「我最愛凍檸茶、菠蘿油和沙爹牛肉麵等茶餐廳美食，如果大家來到香港，不妨中午先行勻港九新界嘆地道小食，夜晚再在維港夜景下享受 Fine Dining，這真係人生必要做呀！」

提供「野生捕獲」貼士

他們3人並以廣東話、普通話及英語，齊齊向世界各地旅客發出熱情邀請，指香港已經準備就緒，約定大家香港見，他們更搞笑分享「野生捕獲」自己的小貼士：愛好運動的 Sammi 直指自己最愛在港島區跑步，要扮有緣不妨去港島區跑步徑碰運氣。Aaron 笑言香港面積不大，他常帶家人行街食飯，一定有機會遇上；Kelly 則自爆愛購物，笑言各個 SHOPPING 地方都有她的足跡，大家去香港任何一個購物點，都有機會隨時見到她真身。



■鄭秀文在山頂跑步顯活力。

■振朗受傷後首次公開現身。

張振朗撞爆眉角無大礙

張振朗昨出席新劇《奪命提示》拜神儀式，早前他被坐地燈撞爆左邊眉角，入院縫了7針，受傷後他首次公開現身，見他貼上膠布，精神不俗。振朗表示已沒有大礙，「今年犯太歲，應咗之後就順順利利。」又自嘲經歷多，今次小事，「開工有拜神，攝咗太歲，受傷之後又再去拜神，當今次應咗，每次受傷完個年都幾旺。」談及無綫高層樂易玲為怕他毀容，請了整容醫生為他縫針，問他可有趁機執一執其他部位？他強調：「我唔做啲旁門左道嘢，淨係縫針，自己純天然嘅。」

42歲生日靜思已過 軒仔為不慶生傳聞解畫

張敬軒、馮允謙、周興哲、陳蕾和林愷鈴昨出席品牌活動，前日（1日）度過了42歲生辰的軒仔表示希望能旺到老，至於如何慶祝？他笑稱是一個人靜修檢討過去41年做得不足之處，並為其生日傳聞解畫：「由於我過往都唔慶祝生日，因此圈中有好多傳聞，甚至傳到跟我講句生日快樂都會發癲，我又冇咁變態，其實係我8歲生日時，有人送咗隻狗仔畀我，但因為當時廣州唔可以養狗，加上爸爸又係公務員，有次放學回家發現狗仔被送走，我噉足兩個星期，所以奉勸為人父母做任何事都要三思而行，否則會對小朋友造成影響。至於長大後唔想慶生，純粹係唔想麻煩到朋友；不過隨着人愈大愈珍惜身邊人，今個生日都有相約朋友食飯和收禮物。」提到他圓心願當上千萬男星，首當男一的電影《超神經械劫案下》已衝破千萬票房，他表示會持續謝票至2千萬票房，稍後還會包場請同事睇這部戲。

馮允謙數日前自加拿大度歲完返港，現時仍有時差，不過就很開心，因已多年沒跟家人一起過年，並且在3月舉行首個紅館個唱前能稍作休息，而現時要開始練聲、練歌、排舞及節食，不諱言新春期間吃方面放肆了。



■馮允謙主動向軒仔送上生日抱抱。



■曾志偉聯同曾鈺成一起受訪。

曾鈺成做主持怕悶親觀眾

無綫新節目《香港飯局》昨於電視城進行錄影，總經理曾志偉聯同節目主持及首集嘉賓馬時亨等一起進行拜神儀式，祈求拍攝順利。

主持之一的前立法會主席曾鈺成表示今次是個全新挑戰，亦感到很大壓力，笑言怕悶親觀眾，累了TVB。近日有一群自稱TVB小股東於社交平台發文力數TVB近年7過失，其後TVB作出嚴正聲明，並保留法律追究權利。志偉對此表示：「呢個世界也都有人講，最緊要知道自己做乜，用心做節目，公司已發聲明，我不便再回應。」